

**Datum: 18.10.2016.**

**Broj: 06-01/549**

**Svim medijima – dostavlja se**

## **NVO pozivaju vlade da hitno izvrše imenovanja za Savjetodavno vijeće Partnerstva za otvorenu vlast**

*Koalicija nevladinih organizacija okupljenih oko inicijative „Partnerstvo za otvorenu vlast“ pozdravlja Odluku Vijeća ministara o formiranju Savjetodavnog vijeća BiH, te apeluje na entitetske vlade i Vladu Brčko Distrikta da hitno izvrše imenovanja svojih predstavnika u Savjetodavno vijeće*

**Sarajevo, 18. oktobar 2016.** – Koalicija nevladinih organizacija u okviru inicijative Partnerstvo za otvorenu vlast pozdravlja donošenje Odluke o osnivanju Savjetodavnog vijeća inicijative „Partnerstvo za otvorenu vlast“, čiji zadatak je da pripremi prijedlog okvirnog akcionog plana za provođenje inicijativom preuzetih obaveza.

BiH je u septembru 2014. godine pristupila inicijativi Partnerstvo za otvorenu vlast u okviru koje treba da pripremi akcijski plan s ciljem osiguranja napretka u oblastima transparentnosti i otvorenosti rada tijela javne uprave, uključivanja i osnaživanja građana i civilnog društva, borbe protiv korupcije, te korištenja novih tehnologija za poboljšanje kvaliteta usluga koje javna uprava pruža građanima.

Imajući u vidu značajna kašnjenja, koalicija NVO apeluje na Ministarstvo pravde BiH da u što kraćem roku objavi javni poziv za učešće predstavnika nevladinih organizacija u radu Savjetodavnog vijeća BiH, te da zajedno sa Uredom koordinatora za reformu javne uprave BiH osigura stručnu i administrativnu podršku cijelom procesu. Organizacije pozivaju entitetske vlade i Vladu Brčko distrikta BiH da prioritetno pristupe imenovanju predstavnika u Savjetodavno vijeće BiH kako bi započeo proces pripreme okvirnog akcijskog plana.

Potpisnici saopštenja:

- Transparency International u BiH
- Centar za istraživačko novinarstvo (CIN)
- Centar za društvena istraživanja – Analitika
- Fondacija Centar za zastupanje građanskih interesa (CPI)
- UG Zašto ne
- Omladinski resursni centar Tuzla

**Udruženje za borbu protiv korupcije Transparency International u BiH**  
Reg. No. UP08-07-1-616/11, Ministarstvo pravde BiH, Sarajevo

Sjedište: Gajeva 2, 78000 Banja Luka, Tel/Fax +387 51 216 369, 216 928, 224 521, 224 520  
Poslovnica: Mehmed-bega Kapetanovića Ljubušaka 4, 71000 Sarajevo, Tel +387 33 220 049, Fax +387 33 220 047  
E-mail: [info@ti-bih.org](mailto:info@ti-bih.org)  
Web: [www.ti-bih.org](http://www.ti-bih.org)